

Seri Paduka ke Indonesia hari ini untuk lawatan 6 hari

KUALA LUMPUR, Khamis — Keberangkatan Yang di-Pertuan Agong ke Jakarta esok membuka suatu lembaran baru dalam sejarah perhubungan antara Malaysia dan Indonesia.

Meskipun hubungan kedua negara ini terjalin begitu rapat akrab tetapi inilah pertama kali ketua negara Malaysia melakukan lawatan rasmi ke Indonesia, atas undangan Presiden Suharto.

Lawatan Diraja selama enam hari itu akan memberikan kesan mendalam dalam usaha meningkatkan hubungan persaudaraan yang sedia terjalin antara kedua negara.

Inilah pertama kali rakyat Indonesia akan berpeluang menatap wajah Yang di-Pertuan Agong dan Raja Permaisuri Agong.

Kombongan Diraja seramai 90 orang itu termasuk Menteri Pengerang, Datuk Mohamad Rahmat selaku menteri pengiring dan isterinya serta wartawan dari berbagai media untuk merakamkan lawatan bersejarah itu.

Mendekatkan

Pegawai Malaysia dan Indonesia berpendapat, lawatan Diraja itu akan mendekatkan lagi hubungan budaya dan pertalian antara rakyat dengan rakyat kedua negara.

Meskipun Indonesia sebuah republik, adat-istiadat tradisional, terutama di kalangan waris raja-raja masih dikekalkan seperti di Yogyakarta, Solo dan di beberapa daerah lain di Pulau Jawa.

Di tengah-tengah republik yang mempunyai 27 wilayah itu, terdapat sebuah kesultanan yang wujud iaitu Kesultanan Yogyakarta, yang dikenali sebagai daerah istimewa Yogyakarta di bawah tabdran Sultan Hamengkubuwono, bekas Naib Presiden Indonesia.

Antara kedua negara ini tidak dapat banyak perbezaan melainkan sistem pemerintahan. Ekonomi kedua bergantung kepada sumber bahan mentah seperti getah, bijih timah, kelapa sawit dan minyak.

Rakyat kedua negara berasal dari rumpun yang sama, bercakap dalam bahasa yang sama dan mengamalkan adat istiadat yang hampir serupa.

Kemerdekaan

Mereka diasingkan oleh pendudukan penjajah yang membentuk corak pentadbiran menurut cara masing-masing hinggalah kedua negara mencapai kemerdekaan semula.

Keutuhan perhubungan dan kesepakatan antara Malaysia dan Indonesia dalam serba bidang memang tidak dapat dipersoalkan lagi.

Kedua negara adalah di barisan hadapan dalam pergerakan berkecuali dan memainkan peranan utama dalam perubahan persidangan Islam antarabangsa.

Ramai kalangan antarabangsa berpendapat tanpa Malaysia dan Indonesia dalam ASEAN, perubahan serantau itu tidak akan sekukuh dan maju seperti sekarang.

Perdana Menteri, Datuk Seri Dr. Mahathir Mohamad yang melawati Indonesia minggu lalu menegaskan, tidak ada perkara rumit atau sensitif yang boleh merosotkan hubungan antara Malaysia dan Indonesia.

Berikrar

Sebarang masalah rumit dapat diselesaikan dalam semangat mesyuarat dan kekeluargaan, katanya.

Datuk Seri Dr. Mahathir yang melakukan lawatan rasminya yang pertama ke Indonesia sebagai Perdana Menteri juga berikrar perhubungan baik dan akrab yang selama ini terjalin antara pemimpin kedua negara akan terus dipupuk dan dikekalkan.

Presiden Suharto pula menyatakan, hubungan persaudaraan, saling persefahaman serta percaya mempercayai akan melahirkan kerjasama yang tulus ikhlas antara kedua buah negara.

Di bidang keselamatan, kerjasama erat dalam kegiatan di bawah Jawatankuasa Am Sempadan (GBC) diperluas daripada gerakan bersama memburu penganas komunis di sempadan ber-

sama hingga ke kegiatan lain yang bersangkutan dengan keselamatan.

Kejayaan pasukan keselamatan membentras kegiatan penganas komunis di sempadan Sarawak/Kalimantan memberangsangkan kedua negara bekerjasama mengawal arus lalu lintas di semua kawasan termasuk lalu lintas darat, udara dan laut melalui rondaan bersama.

Membentras

Kerjasama di bawah kegiatan GBC ini diperluas meliputi kegiatan membentras jenayah dan pengedaran dadah, penyeludupan dan lalu lintas imigrasi.

Malaysia juga membuka pintu bagi kemasukan tenaga buruh Indonesia secara sah terutama ke Sabah dan Sarawak bagi menampung kekurangan tenaga buruh di sektor ladang, perhutanan dan pembinaan.

Di bidang perdagangan, kedua negara sentiasa berpakat sebelum membuat keputusan dalam forum antarabangsa, terutama dalam perundingan melibatkan harga barangan utama seperti getah, bijih timah, kayu dan kelapa sawit yang kedua negara menjadi pengeluar utamanya.

Boleh dikatakan, dalam semua forum antarabangsa, kedua negara beraudara ini tidak akan lagi bertelagah pendapat dan saling menyokong antara satu dengan lain.

Sementara itu, bidang perdagangan dua hala kian diperingkat. Penubuhan jawatankuasa bersama perdagangan antara Sumatera Utara dengan Pulau Pinang telah meningkatkan arus perdagangan antara Pulau Sumatera dengan Semenanjung.

Pameran perdagangan Malaysia yang diadakan di Jakarta tahun lalu juga mendorong peningkatan hubungan perdagangan dua hala antara kedua negara.

Tahun 1979, eksport Indonesia bernilai \$145.62 juta sementara eksport Malaysia ke Indonesia pula bernilai \$123 juta. — Bernama.